

兩浙名賢錄

兩浙名賢錄卷四十目次

才望

明二

太常寺卿王惟臣獻

太常寺卿呂秉之憲

吏部侍郎楊惟立守卬

翰林院編修戚文湍瀾

河南布政楊名父子器

雲南布政使薛之綱綱

翰林院檢討朱文佩綬

刑部尚書屠元勳勳

子孫附

工部尚書俞德彰琳

刑部尚書韓大經邦閭

父附

都察院右都御史周南

翰林院學士豐原學熙

吏部左侍郎李子暘旻

四川左布政使陶時明照

左長史張廷光景明

右僉都御史徐章甫錦

副都御史陸容之鈞

季父
健附

副都御史王天宇應鵬

右副都御史錢可容宏

河南按察副使陳約之東

大理寺少卿羅質夫輅

右僉都御史秦懋功鉞

右僉都御史張子清灑

侍讀學士姚維東涑

刑部侍郎楊韋之大章

廣西按察使陸選之銓

刑部主事胡文徵憲仲

監察御史沈汝材楠

太常寺少卿傅朝鳴佩

南京司業朱象玄大韶

副使卜吉夫大同

弟大有
大順附

四川副使顧日翔耕

國子助教司馬式古軫

禮部尚書閔師望如霖

禮部尚書秦子豫鴻雷

廣東左叅政吳汝瑩玳

禮部尚書汪振宗鏜

福建左叅政馮明卿臯謨

右春坊屠文升應垓

附子孫

廣東右叅政管道夫見

廣東副使王育叔裸

附祖父

湖廣右叅議蔣汝才劬能

兩浙名賢錄卷之四十四目次終

兩浙名賢錄卷之四十

東海徐象梅仲和氏誤

武塘丘 遂叔遂氏閱

才望

明二 共四十九人

太常寺卿王惟臣獻

王獻字惟臣、仁和人。天賦穎異，羈貫日誦數千言，過目
卽終身不忘。年十七，領鄉書，登景泰辛未進士第，與狀
元柯潛等二十八人同進學東閣，賜居第，及大官酒饌。

及青紙費、命內閣大臣典領之、不別立師傅、不出就外署、一如永樂初科故事、獻感際遇、益肆力於學、工古文詞、在同官中、最稱敏贍、尋授編修、修寰宇通志、陞修撰、入內閣、授中貴人書、癸未春、同考會試、會貢院火、秋復試、復爲同考、是科先後兩人、簾不改命者、唯獻一人、已而聞父喪、卽日陞辭、星夜行抵家、治喪、葬、戚、易、兩、至、時日、與鄉人接、恂恂謹厚、無一毫早達貴侈之態、人、以、爲難、尋用薦、起復之、疏乞終制、服闕、陞左春坊左諭德、兼修撰、克經筵日講官、陞翰林學士、賜金帶、本朝學士、非

典密務侍日講者皆不與是賜蓋異數也丁酉朝廷用
儒臣議追崇先聖禮樂造獻祭告闕里比還適所嘗與
修宋元通鑑成陞詹事府少詹仍兼學士戊戌 皇太
子出閣命侍講讀於文華殿與修文華大訓成陞太常
寺卿兼官如故蓋自擢第入翰林歷三十有七年先後
擢院章者十有六年而年已五十餘矣後進推之爲先
達知已期之於大用然訖不登樞筦屢要劇少展其抱
負以死君子惜之

太常寺卿呂秉之憲

呂憲字秉之嘉興人文懿公原之子生有異質書過目輒成誦甫貫州卽精故訓尤善度時事多曲中文懿竒之以蔭補國子生授中書舍人猶立志文學居常手不釋卷每以不階身科目爲恨上疏乞應試報可言者以爲非例憲廟獨允之遂中順天辛卯鄉試仍官中書秩滿遷主客員外郎進郎中時珣球國乞歲一入貢謂子之事父定省不可間其意實利於賈市以自便耳廷議難之而患無辭憲請折之云若知父子之禮當遵父命衆服其言西夷回回奏乞取廣東道歸國朝廷將從

之憲執不可曰西域貢有常道更之恐有他釁且經涉江海萬餘里勞費將不貲遂寢其奏擢南京太僕寺少卿故事太僕馬數不得爲人所窺文卷例不刷浸以磨滅登耗無所於考憲曰他官不與知是也太僕所掌何事而可罔聞乎乃建白凡馬政卷許太僕官歲一照刷以爲例未幾改通政進太常寺卿祀事多更張卷牘浩穢至或相牴牾乃采輯累朝沿革爲條例若干卷事至按而行之至今賴以無誤大學士楊一清稱其志存澤物而又官閒散不克自展布其政事終爲文學所掩云

吏部左侍郎楊惟立守阯

楊守阯字惟立文懿公守陳之弟也文懿文名擅天下守阯家自師友稱文豪舉成化戊子鄉貢第三戊戌禮部第四廷試第二授翰林院編修歷官南京吏部右侍郎進左七十引年進尚書致仕逆瑾竊政矯詔奪所加秩瑾敗乃復家居七年一日筆語於冊曰學文師韓吏部學道師程伊川官同吏部二品壽過伊川二年文章可得而聞望道而未之見困學勉行老而不倦守正疾邪至死不變越五日卒壽七十七贈太子少保遣官諭

祭葬如例守吐文學論議隱然有文懿風履歷亦略相
似而舉解元爲學士爲少宰對畧兩京翰院亦稱奇云
翰林院編修戚文湍瀾

戚瀾字文湍餘姚人以庶吉士歷官編修雖居木天清
華之地而意象條然常欲駕風雲而斥八極覺非人世
榮利可得而羈斂者天順初予告歸省歲餘詣京晚渡
錢塘風濤大作有絳紗燈數百對照耀江水丈夫九人
帕首袴鞞帶劍乘白馬飛馳水面一舟皆懼瀾曰毋懼
我知之矣推窓謂九人曰若非桑將軍九弟兄耶皆跪

而應曰然曰去吾喻矣。湏臾風息浪平。瀾卽命舟人返棹。歸謂家人曰。吾某日逝矣。及期沐浴朝服端坐。頃之向九人者。率甲士來迎。戈戟旌旗。晃耀閃爍。遂卒。後車騎騰蹕。前後若有所呵衛者。隱隱入空而滅。

河南左布政使楊名父子器

楊子器字名父。慈谿人。成化丁未進士。授常熟縣知縣。因時立政。盡然歸於禮法。稅入常後期。下令先輸者無。禮期日。逾加。旣乃以多益寡。耗足轉稅。而民無敢後考。徵召補吏部考功主事。轉陞郎中。驗封。每與同官談治。

體自六部達諸鎮能歷道其故及當變通之宜北虜時
時蹂塞下嘗陳邊務數十事大司馬以爲才孝陵山
陵初起子器聞有水石爲病上疏極言之下詔獄執不
變已而果然遂還舊職時逆瑾方橫會有議薦者擬子
器翰林聞之亟爲書辨於內閣事爲之寢當是時辨難
處辨尤難識者避之未幾遷湖廣右叅議分守辰常道
會榔桂賊起遂請改道自效冒暑提兵討平之陞福建
提學副使以進表至京會轉河南右叅政時方以榔桂
積勞成疾而東賊且將渡河天又寒甚有勸緩行者子

器亟騎而往。至嵩縣卽居守。賊方走湖廣。子器曰：賊逼
上兵必復向汝州。洛陽籬籬備不可缺。乃自嵩馳赴之。
賊至子器輟食登城。晝夜調度。手書示城中人曰：不上
城及上而輟下者皆斬。旣而有將下從賊者卽斬。以徇。
城守益堅。賊遂引去。進右布政使。以湖廣柳貴功受金
綺之賜。入覲北行。卒於衛輝之驛舍。年五十有六。子器
性介直。濟以和易。與人交能以量容。以情恕。不能以辭
色假故人於子器。無喜怒而有媿感。性惡華侈。仕至方
伯。服食如平生。時有媿遺於故舊。儀而不貨。或問之。子

器曰吾生平惡貨交而顧交人以貨是居已於清而居人於濁也故不敢

雲南布政薛之綱綱

薛綱字之綱山陰人以進士拜御史巡按陝西其所建明皆邊防大計已督學南畿學政振舉擢湖廣副使督學知初歷廣東按察使雲南布政皆善其職以老乞歸尋卒於家綱簡直夷坦不矯激而能持正爲文醇雅有深沉之思所著有三湘集榕陰鼓吹等篇藝林多稱之吏治文學遂爲一時冠冕

翰林院檢討朱文佩綬

朱綬字文佩秀水人成化丁未進士授翰林院檢討侍
岐王講讀弘治庚戌王出就府邸奄宦專權輔導臣僚
殆爲虛位綬據例抗疏孝廟是之頒行諸藩國自是
政務悉隸輔臣永遵舊典越遷楚藩左相內艱服闋改
相晉藩時王年羸世子世孫俱薨有欲竊柄者幽王曾
孫於別宮潛奏權國上下疑莫能決綬密疏有王曾孫
在乃得封晉事始定丁外艱歸楚藩以綬奏請於朝復
起相焉未幾乞休先後爲國相二十餘年方正不阿着

重江都志醇雅而無買長沙之牢騷不平卒以壽終於
直寢天下以是賢之所著有四書輔註易經精蘊等編

刑部尚書屠元勳

子應煥應坤孫益玄仲律叔方孫謙附

屠勳字元勳平湖人成化己丑進士授工部主事改刑
部歷員外郎郎中凡諸司大獄多付之鞠讞精明法比
人稱不寬遷南京大理寺丞晉少卿請差官審錄革煩
例陞都察院右副都御史巡撫順天永平整飭薊州諸
路兵備嘗分三路屯兵使緩急相援虜聞遠遁迄任不
幾尺羽又增黃花鎮諸營堡以固聲勢至今爲利害抵

歲供銀魚中使因之橫索勲上疏極言請約束無以困
民又奏罷麻峪山採礦民甚稱便已遷刑部右侍郎尋
轉左會河間歲曉與民爭田而鬪勲勸曰母后誕育其
躬而與細民爭尺寸土大非國體卒歸田於民己丁母
憂服闋改左副都御史尋陞右都御史正德改元陞刑
部尚書未幾乞休加太子太保致仕卒賜祭葬謚康僖
著有東瀛遺稿子應埈副使應坤叅政應埈論德自有
傳埈子益玄封東都主事仲律知府叔方憲副孫謙提
學副使德慶進士有今名

工部尚書俞德彰琳

俞琳字德彰臨安人成化丁未進士授行人拜監察御史進鴻臚寺少卿儀度安整音吐宏暢擢右通政再轉通政使仍掌寺事每讀疏大廷朝寧傾聽其任鴻臚及銀臺者皆十許年累官太子少保工部尚書仍掌通政司事琳天性醇樸無巧偽習慷慨尚義嘗以忠孝自許爲工部日值塞北有警上曰保定五府武備當嚴非其人不可乃命琳兼右僉都御史往視師琳毅然星駕指授方略旣戡定邊患戢兵歸朝口不言兵士論多之

初爲行人嘗使周府舟次歸德感疾甚篤仰天歎曰丈夫志在四方卽不幸客死命耳奈老母何因痛哭失聲是夕忽夢五老人鬚眉皓白語琳曰爾母壽高爾病亦當尋愈毋多傷琳叩姓名答曰此地五老人耳且訪之則宋太子少師杜衍侍郎王渙司農卿畢世長郎中朱貫馮平年皆八十廟食其地云

刑部尚書韓大經邦問

父弼附

韓邦問字大經會稽人父弼耿亦有學長於詩官襄府長史邦問因舉湖廣鄉試成化中登進士第授大理寺

許事慮囚四川多所平反出知淮安府節冗費辨滯獄
又集漕卒禁私離其所設施不爲苛察而人畏服久之
以都御史巡撫江西時中官駐饒燒供御磁器因而恣
橫需索閭里騷擾邦閭方言小民凋瘵狀上感動輒
止之後以刑部尚書致仕卒於家邦閭雅性坦直不妄
笑言其居雖逼城市而出入甚罕至士大夫以國典民
隱造質輒響答忘倦身雖退而不忘經濟如此里人至
今想其丰采卒謚莊僖

都察院右都御史周南

周南籍雲人由進士除應天府六合縣知縣。選授四
道御史。彈劾不避權貴。按安遠侯柳璟不法。朝廷肅然。
陞湖廣按察司副使。歷陞副都御史。巡撫大同。有邊功。
爲劉瑾所惡。置大同獄。瑾誅得釋。復巡撫宣府。尋改南
贛。陞右都御史。總督兩廣。以疾乞休。家食十有四年而
歿。計聞詔予祭葬。贈太子少保。南居官以才略見稱。宦
轍所至。勲績爛然。初大帽山賊流劫三省。攻城殺人。兇
鋒不可撓。朝議用重臣督勦。乃以南往。未幾遂破賊。斬
獲數千計。因移兵攻姚源賊黨。及九漳山巢。悉平之。遂

撫其地南顧延撫之說自南始

翰林院學士豐原學際子蒞

豐原字原學，郵人生而穎異，志趣超卓，讀書精舍，嘗若其壁曰：立志當以聖人爲的，遜第一等事於人，卽非夫也。十六遭母喪，水漿不入口者數日，倚廬三年，郡守美其器，之曰：此吾郡顏子也。舉弘治乙卯鄉薦，己未廷對，孝廟親閱卷，大奇之，置第一。已而，易置第二，特賜狀元袍帶，嘉寵之。授翰林院編修，陞侍講，與修孝宗實錄。轉春坊右諭德，時逆瑾用事，朝士多相之，原獨不爲。

璵衡軛骨出掌南京院事尋父歿喪之如喪母既免喪
璵乞終養繼母不報復原職時才望隆赫中外士莫不
傾心謂宜握持鈞軸以襄化理而忌者陰沮之久之不
調世宗皇帝御極陞學士詔定大禮熙議不合方進
用事者撼以危禍莫得附已而熙卒守前議不變遂得
罪戾鎮海衛居十有三年杜門著書絕口不言時事未
幾而彗星掃文昌遂卒熙性廉重不妄交一人其可者
必肫肫見中底而不可者即違顧人未嘗跡其門故卒
與世齟齬博極羣書而尤潛心六經爲文古雅典則不

規規模擬而出入張弛一不盡於矩度至金石之作尤其所長所著有魯詩正說古易傳義禮教儀節白庵集一齋集子坊鄉舉第一人嘉靖癸未進士官終南京吏部主事以能書名

吏部左侍郎李子暘

李旻字子暘錢塘人成化庚子鄉試第一甲辰廷對狀元及第授翰林院修撰預修憲廟實錄克經筵官陞左春坊左諭德上疏乞終養不許尋侍東宮講讀陞南京太常寺少卿署南京國子監事正德丙寅召修

孝廟實錄改太常寺少卿兼翰林院侍讀仍修玉牒克
講官賜金帶奉命授庶吉士業尋陞太常寺卿管國子
監事晉南京吏部左侍郎未任卒吳爲人長身修髯狀
貌英偉逸才淵識倜儻高邁其學無所不窺貫穿百氏
流覽藝林卽素稱博洽者多推下之善於談議每發言
如倒映懸河四座傾聽然斯池不羈澗略世故每於人
多齟齬云

四川左布政使陶時明照

陶照字時明菊隱君之裔也世居秀水之雁湖菊隱且

及戒子弟弗仕元於是陶氏世稱隱德八傳而爲照當
敬皇帝時年甫二十餘與兄煦同舉進士於是人目爲
雁湖二俊復稱陶氏名家照始官工部都水司主事內
艱起復改刑部錄囚蘓松出爲廣東按察司僉事時蠻
盜孳起爲盜惠潮清遠間蜂屯各數萬人照察土官陳
朝亮才授以方略裒糧逮捕不煩帑藏而廣地悉定未
幾以父憂起改湖廣尋陞四川布政使叅議時藍鄙作
亂蜀人驚擾先是照過新都道衝而無城照卽日命城
之城畢而寇至人賴以安竟以平鄙功授從三品俸加

賜金綺陞四川按察司副使備兵威茂改河南陞雲南
右布政尋轉四川左先是爲雲南時有大盜橫行唱義
間阻險深入歲不能下照至卽平之於是詔復賜金綺
照性斤斤簡飭言不出口未嘗面可否人至所歷乃表
表以武功見當事者始知照爲大才可備國家緩急用
無何而竟以中譏去家居幾十年無一語怨尤時時謂
人曰布政司錢穀謗翁翁易起人炫廉自飭而吾于徐
弗以外儼當逆瑾時人有官不患不能顯而吾優游樽
俸要之無疚耳與鄉人處油油煦和生平無怒容雖與

臺鐵襍弗嚴斥也。一時皆稱長者。卒年六十有七。

左長史張廷光景明

張景明字廷光，山陰人。幼聰慧，日誦千餘言，舞象作文，卽多奇警。童卅補邑庠弟子員，試輒高等。同輩多歛衽下之。成化庚子領鄉書，庚戌成進士第。時睿宗皇帝初開藩邸，長史馬政輩以不職罷。孝宗皇帝命吏部擇廷臣中負才望可以輔佐王者，尚書王恕卽以景明爲左長史，袁宗舉爲右長史。人多惜此兩賢遠弃藩國，不得大用者。景明日買長沙董江都不有聞於時。子姪

然入謝。睿皇諭之曰：卿等皆名賢，當大用。今屈卿等
輔幸，共黽勉，以善聞於世耳。景明等頓首謝。明日上疏
勸。睿皇正心謀學，以周公及漢東平河間爲期。又獻
爲善最樂詩，以寓規諷。深見嘉納。賜金幣以酬。讜言居
數歲，從之。國詔賜四品服。國事無巨細，皆經畫。有法上
書陳六事。睿皇優旨答之，仍賜金帛。久之，以憂去。
睿皇上書請虛其缺，以待越三歲返國。睿皇晏駕。
世宗爲世子，方在諒陰，令攝國事。中外肅然。尋病且革。
語其僚曰：死何足恨，但嗣君幼冲，不得終輔之，以酬先

王之厚德耳。言訖而瞑。時人皆惜其才，不得大用。卒後旬月，世宗入繼大統，念舊輔功，追贈太子少保、禮部尚書、文淵閣大學士，謚恭僖。

廣東左布政使謝于吉迪

謝迪，字于吉，元輔遷之弟。登弘治乙未進士，釋褐兵部職方司主事，轉武選司員外郎。是時文勝、竇午、禔、遺若流，悉中肯綮，時稱其才。正德初，逆瑾亂政，兄遷以不合罷相去，瑾移怒於迪，勒令致仕。迪怡然退處林下，嘯詠自適。若將終身焉。世宗登極，懋隆治化，思用舊臣，起

爲江西右叅議尋晉河南按察使未幾遷廣東左布政
使人覲還任以疾卒於途廸具逸才久鬱弗施起廢以
來益圖奮勵以答明主之知故其叅議江右時發奸
摘伏人稱神明以績最薦兵備九江九江地爲江湖要
衝自逆藩煽變之後凋弊弗堪事多可慮廸乃除其煩
討務爲綏緝民賴以寧河南按察時風裁愈肅獄無滯
囚事至立剖揮遣文牒如流水僚友旁觀無不嘖嘖歎
服嶺南之擢事先要領裕民剔弊不遺餘力論者謂廸
深於經學不尚詞華發於舉措鑿鑿可行有補於世才

謙明敏足以濟之使天假之年得盡其才事業所建尤當有不可量者惜乎其遽止於斯也卒年六十有三

右僉都御史徐章甫錦

徐錦字章甫

人正德丁丑進士初授福建甌寧縣

知縣三載考最拜南京廣東道監察御史出按淮陽及廣西等處整飭大體不事煩苛事竣會建仁壽諸宮奉勅督理同事多中官每索取常例不一滿望則多端沮勸錦委曲開諭備述官民輸運之艱中官爲之感動反從寬恤上嘗錄錦名於御屏曰是可大用旣而陞南

京大理寺丞進太常寺少卿聲望益著會推順天巡撫
上覽疏問中官曰少卿徐錦得非向御史乎親簡注焉
獲拜都察院右僉都御史巡撫順天兼督理薊州邊備
值星變引咎自陳乞休恩賜致仕家居每遇 聖旦必
沐浴具朝服拜祝於庭賦性寬和與人輒夷易未嘗以
貴顯自尊大故其卒也人多惜不盡用其才云

右副都御史陸容之鈞 季父健附

陸鈞字容之郵人舉正德甲戌進士授南京車駕司主
事會寧藩稱逆駕幸留都兵部尚書喬某奉贖機務每

事出利劍善之日我益友也陞署職方員外郎隨駕旗
牌官軍例分守城門依勢豎授劍日爲點視錯綜其時
中官有不服者正色折之以義八月駕回劍已別遷渡
軍非其職矣喬尚書曰此非陸郎中不可劍乃行處之
以體卒無譁者嘉靖改元出守安慶安慶經宸濠之變
毒於兵燹財竭民疲重以飢饉流殍紛然劍至以撫綏
爲首務從簡易非捕巨猾吏卒不至鄉邑民甚便之而
訟日減嘗訊囚堂上忽市中譁然報曰縣囚劫獄且直
趨府來矣劍顏色自若麾坐者列所訊囚械於階下餘

捕逸囚皆獲。蓋兩囚相通。舍此取彼。則乘而跳梁。兩不可禦。鈞沉機。應變破其謀。囚卒就斃。首誅陞貴州按察司副使。整飭龍里等處兵備。先是鈞季父健嘗僉憲於貴政。有體要名聲。赫然聞鈞。命下凜凜。相戒曰。四明陸公來矣。下車出令。果慰所望。有龍溪二場。軍夷貿易。每因而致亂。鈞使巡捕官軍彈壓。剛暴者執之。取死囚數人。箠死於場。衆爲帖然。歷陞四川廣東江西福建藩臬。歷督都察院右副都御史。巡撫保定等處地方。會

駕幸。鈞會事。經畫至忘寢食。候

駕發。南回。機城邊

立人有不識者先足都護軍門及諸中貴皆有厚望或
偶語於馬前曰君記得送往迎來否鈞應曰記得更記
得節用而愛人遂爲悲語所中落職歸鈞偉姿山立舉
度豁如不設崖岸而確然有不可奪之志好積書博覽
孜孜不倦以是自老云

副都御史王天宇應鳴

王應鵬字天宇鄞人性貞嚴沉毅年十六游郡庠卽有
志經濟挺然以豪傑自負登正德戊辰進士第授嘉定
縣知縣以最召拜監察御史彈劾無所避時武宗數

徵行及取佛烏思藏、鵬伏關、爭之以清戎入閩、兼理醴政、興革得宜、民用不擾、尋出按山東、務持大體、錘邪剔蠹、不數月而風清、齊魯改督學畿內、擢河南按察副使、仍督學政、進山東按察使、甫三月、擢僉都御史、撫畿內、達軍王朝相等弄兵、一鼓討平之、境內安堵、無何而晉寇陳、卿倡亂、當道謂非應鵬不治、改撫山西、先聲所攝、不廢隻矢、而俘禽元惡、尋丁外艱、服闋起、副都御史、總憲內臺、條陳時政、以義利名實四字悟上心、言甚剴切、竟以誣劾落職歸、怡然山水間、觸物題詠、若將終身。

焉兩臺交薦默不應未幾以疾卒。鵬天性孝友戶庭無
間言於物無所嗜好。雖權量不識。顧獨好尚論古人。與
在仕途未嘗廢學。不妄言笑。作事確有定守。遇變故不
愾。徐應之無不立解。若熟讀者。世以是稱其才。所著雜
稿凡若干卷。

右副都御史錢可容宏

錢宏字可容錢塘人。正德戊辰進士。授刑部主事。轉員
外郎。陞山東按察司僉事。轉副使。時武皇南狩。供應
靡紀。極當事。檄宏取分隨事。纏貴近。弗能屈。章丘游

歲大侵。宏賑卹。有方全活。壽。命。時。且。璫。鎮。守。役。民。無。常。時。宏。首。裁。之。不。少。徇。民。聞。宏。名。輒。以。手。加。額。曰。錢。使。君。青。天。也。進。廣。西。按。察。使。持。憲。有。體。取。徒。徼。有。恩。比。入。覲。諸。酋。長。率。衆。送。道。左。蓋。曠。事。也。陞。福。建。右。布。政。使。轉。湖。廣。左。權。都。察。院。右。副。都。御。史。提。督。南。贛。軍。務。南。贛。地。屬。上。游。不。可。一。日。弛。武。備。乃。刻。武。藝。圖。以。訓。將。士。躬。自。臨。閱。軍。聲。大。振。會。疾。作。懇。乞。歸。歸。三。年。而。卒。年。六。十。有。一。宏。平。生。嗜。學。好。問。所。著。有。江。樓。遺。稿。尤。工。漢。隸。日。臨。池。不。倦。宏。之。先。本。汴。人。扈。宋。徙。錢。塘。玉。泉。山。祖。光。之。左。

有司所管葬也

河南按察司副使陳納之東

陳東字約之鄞人生而穎慧絕倫日誦數千言汎濫百家上下屈宋班馬之間向褒以下弗論也海上詩書之士無不爭言陳生會稽董中峯玘有女待年擇聲或言陳生佳乃艤舟甬江之上呼陳生視之而陳生垂髫被儒者服繩趨而前面如凝脂目如點漆望之非閭里嬰兒子也玘乃雜難墳典丘索及諸莊周呂覽言則滾滾對不塞試之詞賦食頃輒辨語盡玄秘也玘喜目左右

取日書以來親爲期日而遣之已乃挈至京邸現日爲
程業課肄之東唯唯奉命然其心弗好也竊取古人書
意所契會者鈎纂精微時時論撰發舒淵意而京國詩
書之士又無不爭言陳生已乃成進士授翰林庶吉士
讀中秘書益游神塵壻之外以極宇宙之變態每一篇
出諸學士競締觀之曰斯捕神彈鬼之文乎而東顧施
施自得不少貶改諸貴人竊慕其風時枉駕過之輒閉
戶不納時當道被 皇帝隆遇朝士咸奔走之東獨不
一向每歲時上壽不得已望門投刺輒馳馬過之當道

銜之入骨積不能容乃注湖廣僉事分司辰沅東疏乞
骸骨不報轉福建提學副使尋徙河南督學如故時科
試且廵坐有輿一晝夜馳三百里諸郡之士三月而試
畢以過劬嘔血死東博洽高融洞古聖哲之微言無與
人周旋款語無不滿意比歸休舍輒仰屋慨嘆憤恚踴
躅家人莫喻其故第左右列古圖史置酒一壺且誦且
飲飲輒數盃已而忽大嘔血涓臾可數升蓋才高而用
非其所故鬱鬱若是死無以爲歛同官經紀之送其妻
孥以歸所著詩文若干卷唐應得刻而傳之

大理寺左少卿羅質甫輅

羅輅字質甫其先嘉興之秀水人國初以閩右實京師遂占籍江寧登正德戊辰進士第授中書舍人冊封益王世子中道正使遽卒命專節以往比至藩邸諸所舉錯中禮度一時稱其才復命疏乞就養得改南大理評事抵家三日而父以無疾卒得親視飯舍人以爲孝感服闋補前官未幾擢江西袁州府知府三載政成都御史王守仁薦其才堪治劇改贛州其治最一如袁復以都御史盛應期言江西劇郡莫若南昌又疏改南昌至

郡七月聞母病竟弃官歸久之復補南昌南昌人夾轅
迎之者載道曰我父至矣輅第以治哀與頓者輕重布
之紡績農桑男婦雙課而南昌徵大治擢江西按察司
副使整飭饒撫兵備越七月思母復上疏乞休未報卽
還家五月而母卒復得親視飯含如所以喪父者人益
以爲孝感云服除補四川按察副使兵備建昌未至稜
山東甫三月擢順天府丞明年改大理少卿時晉宗室
與撫臣構隙上命輅往勘輅正國法而體人情復命
人皆稱平於是廷臣益多其才兩舉節鎮上曰廷尉

不可以無輅不報無何而以微疾卒年僅四十有九訃聞上痛惜之遣官諭祭異數也

都察院右副都御史秦懋功鉞

秦鉞字懋功世居餘姚之梅川正德癸酉與從叔濮州守吉從弟吉安守金同舉於鄉人稱其盛甲戌登進士第授湖廣攸縣知縣考最召拜江西道監察御史彈劾不避權貴以風力稱未幾巡兩淮鹽政出按江西監試事陞山東按察司副使兵備徐州歷進山東按察使所至有政績得憲體尋陞右布政使時廟建方典下工部

議取給外省錢以徵歛繁多恐竭民用乃盡闕郡邑積貯贖銀以克其需白於當道者猶豫以爲難會京兆尹張漢亦請開府庫罷征求疏入得允當道乃服而才望益隆轉江西左未上擢都察院右副都御史巡撫江西攬大綱廣慈惠簡練兵馬克實邊儲士庶允孚境內大治夏相公言嘗稱錢十郡銷兵九江渡虎非溢美也無何簡命佐理院事竟以外官考察引疾歸歸而築室吳山之麓優游泉石不復談時事母歿勞哀過常忽遘末疾卒年五十有九錢長身偉貌手繪標異立論侃侃諤

度豁如也。爲文淳古，以辨博濟之。羣官整飭備明治要，百務紛集，移時而判，其才識過人如此。子二伯宗、儒淮，府右長史，仲宗道，山東布政司右叅議，亦以才望稱。

右僉都御史張子清

張瀛，字子清，仁和人。弱冠，領浙江鄉試第一。戊戌成進士，初授刑部主事，勉修職業，爲大司寇所倚重。未幾，以才望改吏部稽勲司主事，毅然以進，賢退不肖，爲已任。晉文選司郎中，志操益勵，義所不可，冢宰不能奪。士大夫有負時望而權貴人欲抑之者，或時論所不予而權

貴人鑽庇之者皆從容譏論務在獎恬退抑奔競獨立
行一意而已樵貴人雖陽然其言而多陰銜之請謁不
行苞苴無所用其力一時仕路爲之肅清擢通政提督
曆黃樵貴人雖陰銜之然無所修其郤會虜入寇濬以
守都城有聲遂出濬爲僉都御史提督畿南北諸郡屯
田事蓋以使能爲名而定遠之也未幾復坐訕左遷濬
不就曰吾以直道不容於時今而後無復有能其官者
矣遂拂衣歸歸則買山列亭榭種名花異卉又別穿池
種五采琉璃汾壁之魚仰而嘯俯而臨流以自適客或

德之出則笑而不答。瀟負經世才。期一大展以報。聖天子卒爲媚者所中。一蹶不復振。而託趣林泉以自老。其志亦可悲已。顧論者不量。猶借嗜嗜之口。爲達者詭病。何異仰蒼旻而議寥廓耶。歸安茅坤銘其墓有曰。託盟范蠡。比迹留侯。睥睨一世。耻屈貴游。左右若遺。僅託書碣。書之何以天地一喙。

侍讀學士姚維東洙

姚洙字維東。兵部尚書鏞之子。母夢吞日華。與五色鳥。構懷而生。六歲喪母。哭踊如成人。七歲就學。聰慧強記。

能屬文嘗於途得遺書遂引楚人亡弓楚人得之以爲
序讀者稱奇及長脩髯偉幹顧盼燁如若恒議論輒以
天下爲己任舉正德丙子鄉試第七人嘉靖癸未禮部
第二人及廷對遂魁天下拜翰林院修撰尚書亦自延
綏還拜工部左侍郎父子同誥 闕謝縉紳以爲榮明
年大禮議起洙偕臣僚伏 闕諍之同杖於廷尋復官
克經筵日講丰雋峻偉陳義誠切 上多嘉納進左春
坊左諭德與修明倫大典疏請帝王廟去元世祖主以
正華夷之分奉勅校累朝寶訓歲賜宴內廷加錦繡襲

夜晉侍讀學士主丁酉比歲試得十多登甲榜文詞爾
雅爲天下式未幾居尚書喪孝勳備至遂感疾卒後

上嘗問壽狀元安在或以卒對上深爲悼惜特賜祭

沐明達魁岸其學長於史務求政要爲經濟事不拘拘

文彛嘗曰三代而後漢與外戚共天下唐與女后宦官

共天下魏晉以下與膏粱子弟共天下宋與白面書生

共天下元與族類共天下我朝皆無之可謂盛矣但邊

防海運最爲今日急務遂作邊圖凡道途往來關隘險

阻之處指諸掌謂海運當講於平居時又曰中國之兵

強。夾。狄。之。兵。弱。創。業。之。兵。強。守。成。之。兵。弱。蓋。草。昧。法。簡。
而。嚴。中。世。法。繁。而。寬。簡。而。嚴。所。以。用。命。繁。而。寬。所。以。多。
敗。又。論。學。曰。大。凡。論。學。不。可。立。黨。立。黨。則。必。爭。奚。能。見。
道。昔。者。朱。陸。之。辯。虛。心。求。是。也。今。日。之。辯。朱。陸。私。心。求。
勝。也。言。愈。多。而。道。愈。晦。矣。持。論。侃。侃。聽。者。忘。疲。

刑部左侍郎楊章之大章

楊大章字章之。餘姚人。嘉靖癸未進士。授知澗陽。澗陽
畿輔。治奸民。通稅累鉅萬。且伎術善訟。不可窮詰。章則
覈究。棄無益。務避刃。而解奸民爭先輸通。無敢後邑。廉。

學聖者，侍貴犯禁無忌，肆毒隣境，甚至拒兵殺官以叛。章一旦出不意，卑跡即其巢擒之，以故強梗豪俠之徒皆縮頸改步，不敢犯。瀾陽號大治，外艱服除，補知欽章。治欽如瀾陽，亦大治，以卓異徵，擬臺選。已當事有忌之者，改刑部主事，公論殊不厭。章曰：吾方憂職之不稱，豈以刑部爲少耶？未幾改兵部，擢武選司郎中銓事。吏多緣爲奸，章嚴具條格，抑絕微俸吏，惟坐聽行文書而已。而于奪遲速一由於獨裁。天下武弁待選者以得遇爲幸，遷山東按察司副使，兵備霸州。霸州固盜藪而亡

命胡廷秀直入禪城白晝劫殺人從西直門出人莫敢
近章遷驍騎一二踏其劍往追至臨清縛來斬之不膏
如几上肉以武清縣地廣居民無城可依適歲侵議
及時興工繕築以宮救荒之意不數月而功成不惟土
著者特以無恐而流離就食之衆全軀保妻子者不止
數千人頌聲載道無何坐武選貽黃註誤乃左遷江西
布政司經歷三轉而陞福建叅議遷湖廣副使兵備荆
州轉叅政晉南京鴻臚寺卿改光祿陞工部右侍郎轉
刑部左當是時鄂瑄簡曉爲尚書素重章凡獄情重大

者必虛心容章章亦爲之詳盡必當而後已天下洗然
無覓民無何以徵疾乞身歸章雖家食而念切憂時每
聞朝廷有善政未嘗不躍然喜及時事少不當意則仰
屋太息不已歷官四十餘年清約不異寒素惟養父母
則竭方滄髓不敢以貧故儉其親一時稱之曰孝卒年
七十有八

廣西按察使陸遜之銓

陸銓字選之鄞人嘉靖癸未進士除刑部主事改禮部
儀制司晉郎中時上方稽古禮文以陸制作儀禮

九嬪親蠶親籍諸禮內降旁午而討論陳奏頃刻敬服
宗伯大臣盡倚以爲辨莫不當 上心資望功賞皆宜
得右秩而內闕朝臣以國 上祭器不先關白遂大怍
意遷福建按察添注副使益爲策勵嘗攝海道漳故盜
數而利窟也諸射利奸人多以厚貨餌監司闕出爲患
銓獨嚴立禁網剔剔奸蠶卒不爲諸射利者餌陞河南
本政撫民南陽陞廣西按察使時夸灘徭賊侯公丁雜
處胡藍二姓之間相助爲寇或議大舉兵盡誅之銓曰
堅賊窟勝余我兵非計之得也不若計感渠魁而撫其

傳聞聲譽如其言有濟果平陞廣東右布政使以內
居家卒銓質性英銳讀古書一目卽解解卽不忘捧筆
爲文卽奇氣橫發滾滾莫禦卒不疾於矩度雄視天下
謂豪俊莫能相先而當官蒞政剴繁解劇不啻庖丁之
游刃也時方以偉烈期之而竟齋志以沒識者憾焉

刑部主事胡文徵憲仲

胡憲仲字文徵海鹽人少博雅工古詩文浸淫秦漢晉
魏風骨揮灑之譽重一時嘉靖庚戌歲進士官工部生
事工固閒曹仲益喜讀書邸舍下帷篝燈如諸生受子

錢買古載籍。淫誦之。巨卿大僚。多器仲。爭爲折行交。應
尚書大猷嘗解所佩刀贈曰。此託於呂虔誼也。無何虜
闌入郊畿。嫚書請市。諸大吏袖手無策。仲爲條十劄。略
曰。虜入深矣。已已之變。于肅愍爲兵部尚書。躬帥大軍。
駐德勝門外。與虜對壘。今日之事。本兵當振甲出營相
機。勦殺局縮。不能議戰。而與議市。哉。此城下之盟也。竊
耻之。又云。鄙生躡屨談說。漢帝輟洗迎之。伏軾下齊七
十城士。被褐負竒。欲效勳矢石者。豈謂輦轂下無人哉。
文吏拘泥。以目皮相失。不羈士誤甚。部曹偉其論。俾仲

督造兵械。協巡九門。不嚴而肅。部曹始知仲爲有用才。不徒以虛辭倡議者虜退。轉南刑部。山東司主事。有巨姦麗罪。夜懷百金私仲。仲却之。竟置諸法。兄弟兩監生爭產。淹繫三年。仲誨諭感悟。泣呼胡青天。時倭蹂兩浙。留都戒嚴。仲寓書浙帥。策倭曰。仲浙產歲。倭能言倭情。倭屯若散。謫也。疾合如馳。聲拙也。佯見短狀。用奇也。倭進止。盡司馬法。而我師惘惘乘之。逼城。城潰。掠鄉。鄉殘。謂民命何言。三策曰。防曰。困曰。間傳其言。南中南。司馬曰。是郎曩言。比事復策。倭是知兵。以仲守太平門。亦

不嚴而肅。倭知不敢犯。未幾而疾。俟仲始寃。心大繫。期以文章鳴世。至憤時疾。事輒裂。皆髮上指。冠欲身當之。垂竹帛。歎而一疾竟不起。年僅三十有九。仲少從鄭端簡學。端簡奇其才。已端簡官考功。仲上之書曰。無使人知吾之所好。無使人知吾之所惡。無使幸者德我。無使不幸者衝我好。惡彰則迎合者不可測。德怨樹則好還者不可禁。端簡用其言。卒稱良吏。部仲學不獨博古修文。每於聖賢微言中。直窺性命之要。嘗與龐嵩論學曰。萬物從虛中來。中庸論誠之爲貴。而不知虛之爲先。

虛者物之始也。善之人也。誠者物之終也。善之積也。語
多儒先之所未發。所著有仰崖集四書講義。藏於家。

監察御史沈汝材楠

沈楠字汝材。吳興之禔溪里人。嘉靖戊辰進士。授南昌
府推官。南昌簿牒繁委。獄情詭秘。楠防檢既周。聽察尤
慎。姦欺屏息。請謁不行。以故幽隱畢達。人雪覆盆之冤。
市絕橫罹之辟。花園鄉故稱盜藪。役久無功。楠受牒。單
事請賊。賊皆百縛。悔罪願釋。戈歸農。楠白於部使者。盡
解縱之。事聞。有金幣之錫。三載考最。召拜江西道監察

御史數月卽真每有論建務持大體同臺宿望多自以爲弗如又二年巡按陝西下車問民所疾苦延見藩臬諸大僚咨以吏治得失及郡中豪不法政事所宜廢舉與庶屏墨威暴澤枯且詢且行孳孳若弗逮又閱延綏兵馬入衛之疲勞遼薊苑馬寺芻餉之煩苦西安鳳翔漢中三郡分辦花馬池鹽課之利害方欲條上方略請行之而觸暑行部焦勞卽事竟以劬瘁致疾卒於耀州邸舍士民相與悲傷之觀發關中關中入白衣冠而送者如堵無不執紼夾輓而號聲震山谷楠爲人孝友踈

才華
卷之四十一
三十
七首
節而慮於財遠聲色如膩喪父食貧事母曲盡志物撫
諸宗族有恩與人交無少長賢不肖咸盡其心絕口不
郵傳人過失其篤厚如此卒年僅四十有二

太常寺少卿傅朝鳴佩

傅佩字朝鳴仁和人嘉靖乙未進士授興化縣知縣興
化軍竈奪民之田地而不稅不役民貧累逃亡過半至
困死無所懇司軍竈者又深庇之而視民如讐前令不
敢詰詰輒爲所構往往罷去佩慨然曰若是何以令爲
吾奉天子命爲民父母民在倒懸而不解安能視顏

在位哉。乃極言宿弊。疏上於朝者三。必行而後已。雖沮撓百計。至有振甲以攻者。佩棘棘持議。益力卒還軍。實所撥奪於民者。民乃甦。田賦悉平。召拜兵科給事中。

世廟幸承天。佩以才望。扈從武定。侯郭勛。怙寵驕恣。不法。無人臣禮。回鑿之日。卽抗疏劾之。忤旨奪職。佩

聞命欣然。就道無何。郊廟禮成。得還章服。佩夙稟正直。平生無脂韋。媵媵態。又素有經濟天下志。地方諸所利弊。有可以裨民生益國計者。遇事侃侃論辨。不少假聽者。無不捧手起敬。以是超擢兩臺。歲請創置大用。前

後薦劉九十四上竟不用。穆宗改元廣嗣言路起用先朝言事諸直臣佩磨首薦又以例當引年僅晉秩太常寺少卿致仕以卒。

南京國子監司業朱象玄大韶

朱大韶字象玄世爲吳興人七世祖尚德贊華亭烏溪里遂爲烏溪人登嘉靖乙未進士第選庶吉士讀中秘書故事庶吉士選者開臣爲連次先後以名聞幸上俞允。肅皇帝嘉韶所詠寶善詩拔至第三人韶既擢於文而又得以才情自見其思雲涌川決頃刻數千言

立誠尤留心經濟。凡禮樂刑政錢穀兵戎之數俱縷縷
口畫心計。每國家有重事。諸公相與議。輒問朱先生云
何已。酉授翰林檢討。辛亥奉使冊封湘瀋道。維陽入陸
中。探南陽鹿門之勝事。竣卽登太和浮洞庭。望匡廬。從
大江過金陵三山。諸名勝所紀咏著作爲多。旣復命分
枝。癸丑禮闈。所推數俱名士。時倭寇起東南海上。苦兵
視親舍越在千里外。燕居深念計不令二尊人南而已。
獨此遂力請得南司業以去。先是分宜未柄國時。以交
驩封公族。與歸爲通家。及分宜子用事。諸附離之者不

可勝數。翻以潘足樵門爲戒，不與通。分宜子銜之，而又與平湖陸太保有連。太保方貴，寵橫甚，韶雖數往還，非其好也。陸意不能無小望，韶雅欲避籍，此自解脫無何，而二怨果修卻擠之。解韶官，縉紳多爲不平者。韶夷然不屑，曰：吾向已知之。輦上君子肯爲余再伸志耶？歸構樓於城東北隅，置圖史朝夕觀覽，左右遠眺，自適。取名快閣。歲時行園，召所厚故人，從命觴奕，談說鄉里事，爲樂絕不問門外事。四方造請碑志序記，屢滿戶外。韶投甕以應之，有餘力，雖居陋巷中，而名稱籍籍，無異朝者。

時詔負才。倘儻意不可一世。而勇於任事。誠以待人。有古君子風。卒年六十有一。

福建按察副使卜吉夫大同

弟大有大順附

卜大同字吉夫。秀水人。嘉靖戊戌進士。授刑部主事。慮因河南以平允稱。歷員外郎。陞湖廣按察司僉事。先是議者言自九江入楚。斬黃漢岳。會於洞庭。江流彌亘千里。而遙盜負濤浪行劫。甚且攻剽州縣。有司莫能制。宜立上下江防。置憲臣便。詔以大同往。大同既至。按行議俗。去民所疾苦。飭封守。立里保。審形勢。定徑防。行期年。

而羣盜屏息遷湖廣布政司叅議有平苗功再遷福建
巡海副使初閩人多入海與諸夷市而漳泉爲甚弗禁
則法廢禁嚴則奸民失利而倖亂往往導賊入或且攘
臂羣起以張賊勢最號難治而海禁兼管利權下者既
多自敗其名潔廉者又幸避弗肯爲以故海防日益廢
弛而大同毅然任之既修飭內治諸所興革一切與民
爲宜民咸安其政賊亦知有備終大同任三年弗犯閩
而屢寇旣會吳越間攻城掠邑蹂血數千里至動天下
之兵不能制獨聞得大同晏然卒後三年而閩始以警

晉大同梓身孝友。君親長三年不入壺內。課弟大有大
顯。皆成進士。大有今無錫。執法不撓。推貴稱。獨項中忌
者。謂潛山。歷南儀曹。以忤時宰出。爲尋甸守。大順。今當
塗。治行稱最。召拜銓部。歷司勳郎。能留意人材。卻問遺
不。脂常逐時好。並無媚於乃兄云。

國子監助教司馬式古軫

司馬軫字式古。山陰人。平陰知縣。簡之子。生而狀貌偉
然。言動不類嬰孺。平陰大器之。長入郡學。嚴重簡默。文
章華暢。聲稱煒然。累困名場。以鄉選登乙科。授潁州府

學訓導。執士久弗克解。軫誠誨而嚴課之士爲興起。未幾董越遂破天荒。登進士一甲第三名。陟鳳陽縣學教授。論誨士與學一者在。軫時再陟國子助教。以微疾卒。年六十有五。軫有大志。抱奇才。恒以古豪傑自期。許欲策奇勲。茂烈以膏。當時照後世。而竟老於函丈。弗克布一籌。以終方官。軫時寧都縣豪有昆弟相仇者。各聚衆至數百人。欲交攻相殺。官莫敢誰何。巡撫者懼其蔓也。預圖之。謂非軫莫可任者。軫輒曰。軫固朝廷臣子。常恨無地自效。今承命。敢後。卽日携一奴。躍馬走寧都。萬山中。

入囊篋爲明天倫示國法明啟其自新之路其言詳悉
洞達而誠懇諫至豪乃悟悔泣拜自囚以見惠軫軫力
勸減豪罪而賞其餘卒自新於是衆稱軫達令未脫牙
頰間軫自號端齋所著有端齋柱誤子聖編爲十二卷
藏於家

四川按察司副使顧曰翔

顧翔字曰翔慈谿人嘉靖戊辰舉進士授工部都水司
主事外艱服闋補兵部武選司主事進員外郎卽於九
邊智勇忠義之士皆廡訪籍記每佐其長以易置無不

當權河南按察司僉事駐節頴上兼攝徐州兵備遺餘
頴地跨江淮多巨猾劇盜號難治紳從容料理案無留
牘豪惡毛至剛占奪民婦女田產恃雄賁無忌紳竟捕
之置於法頴壽間盜多株連不解紳下令日以姻連坐
者勿治卽日去三木而荷犁鋤者數百人無何坐註誤
左遷許州判官改真定通判大名同知尋復擢河南參
事時鄭府橫恣不法紳悉緝治之遂欽跡晉福建布政
司叅議適倭奴猖獗而福寧尤急起撫王詢特以紳在
勦之三戰三捷擒斬五百名級有奇倭大勦遁去地方

以學提聞有金縢之賜。晉四川按察司副使。四川松潘
萬維州境外地也。軍夷雜處。叛服不常。紳至動中。畿宜
形格勢禁。一發即就戮。有奸軍周尚武者。陰蓄異志。紳
密偵之。擒其首十八人。如丸上肉。餘黨悉平。因條上五
策。皆彊圍大計。撫臣乃疏請行之。而紳以西土寒甚。不
堪堅請。致政歸。歸六年。乃死。紳。歷中外。逾三十年。所
至。功見言信。威惠並行。困濟世才也。願屢蹟屢起。竟辨
綱藩臬間而止。士論惜之。

禮部尚書周師望如錄

閔如霽字師望烏程人嘉靖戊子舉於鄉壬辰登進士
第改庶吉士授翰林院編修歷官禮部右侍郎陞南京
禮部尚書致仕歸歸踰年而卒如終稱爲完節寡爲人
寬大溫博與人交不爲畛域然亦未嘗苟同於人歷官
清華不一踐繁劇而遇事能斷在廷諸老往往以疑事
質之應聲剖折無不中窾以故才名重一時三典文衡
校閱精審其所獎拔往往在文藝尺幅之外應天旣捷
棘有狂生某者誦課自言霖令誦其文誦未畢霖摘所
落卷示之譏彈甚悉其人愧服而去掌國學主於懲

率物不爲苛細六館之士至今德之及教庶吉士嘗曰
朝廷任我重矣不及時與諸君商論國家大政使知輔
養所急顧令雕鏤文字相夸示爲工邪故是科最號得
人留者皆名士云

禮部尚書秦子豫鳴雷

秦鳴雷字子豫臨海人僉憲禮之子生未彌月失母甫
五歲而僉憲復不祿當是時伯父大叅文無子楊夫人
岐嶷雷遂子之弱冠補諸生而大叅死哀能成禮大叅
故清白家日益落雷食貧讀書益不懈癸卯薦於鄉甲

辰成進士廷試閣臣擬進呈第七及 肅皇帝親閱卷

則首擢雷次日以例闕分宜分宜曰吾不敢貪天工君

蓋天子門生也因出 御劄示雷始知平津有繼美云

授翰林院修撰無何楊夫人卒奔赴哀毀一如所生服

闕仍前職是時 皇帝方事玄修分命史官撰玄不次

擢在位多染指焉雷序當首推特先期請假去聞者重

之壬子主考順天鄉試以九載考陞左春坊左諭德遷

翰林院侍讀學士克廷試讀卷官轉南京國子監祭酒

進太常卿仍理監事陞禮部右侍郎尋轉左乙丑克會

試知貢舉官雷前後兩握文衡二典成均號稱多能士
進吏部左侍郎以論罷無何薦起南京禮部右侍郎未
行卽家拜禮部尚書適 穆廟登遐典禮襲存臺省繼
輔來就質者旁午於道雷稽古援今舉疵修墜時論尤
協故事南京聞詔後禮卿率百僚上疏慰安一如北京
例雷言南都聞詔已匝月疏入則兩越月矣安得比輦
轂下哭臨時禮力主罷議者題之明年乞休歸踵而優
游家食乘肩輿游覽山水間若齊雲雁宕石梁天姥皆
裹糧策杖以窮其勝時時命駕過武林穿幽透深於兩

峯三竺間望之者以爲神仙中人也未幾以微疾薨年七十有六雷天性孝友以所生事所後而又未嘗以所後後所生事三兄篤友于之愛嘗曰孝弟豈必盡如陸冰渣竹灼艾同被哉盡心焉耳居鄉樂易不爲城府若無有科名爵秩者子孫有過微示顏色如萬石君不肯責也親友望吏議未嘗輕爲執事筆及遇凶歲則汲汲以賑濟平糶蠲稅爲請不獨出私廩以給待哺作饘粥以起溝瘠而已性喜讀書博綜羣籍工詩文文宗兩漢詩宗晉唐皆直抒性靈不作鉤棘語書法師心而道勁

自具意態所著書若干卷行於世。

廣東左叅政吳汝箎

吳玳字汝箎錢塘人。嘉靖癸未進士。拜行人司行人。歷司副刑部員外郎。廣東按察司僉事。尋進副使。擢布政司左叅政。卒於官。始其父士寧三娶無子。年五十有七。周宜人始生玳。故玳最愛於父母。然於學問不督而能弱冠爲諸生。名蔚然起。及官刑部時。嘗同考。順天鄉試其所爲文章。諸方家自謂弗及。故海內知玳能文。然玳固知兵習吏事。爲員外。補。裁。扶。隱。如。神。明。大。廷。尉。讀。

其獄誦必曰吾固知非吳員外不能辨其所治囚卽罪
死無號呼不平者爲僉事飭兵嶺南蒐士卒立保伍明
法令察盜所出入根拔苗薶境以大寧連寇作督師征
之殺降過當而清遠峽以險阻多盜發卒六百人鑿山
三十里爲梁二十有一舟用得挽以濟爲副使籍民舟
之買於海者什伍爲綱紀約寇至共擊之私去爲盜者
衆發之不發與連坐海寇頓息性疎爽喜調笑諧謔治
園亭西湖之濱與賓客燕游其間若樂而忘檢者至持
官奉親特嚴以孝縣吏皆粗糶分巡縣中閒遺此批曰

此官物吾不可以私。盡易錢輸之庫。周宜人病痢。封股肉和藥以進。痛父以食芋。遂疾終其身。不忍食芋。宦游四方。必奉像。櫛懸之。祭則展拜以泣。比病不能言。數引手上指像。忽自墜。其僕曰。得非欲奉以行乎。領之而逝。年六十有三。初玳之至嶺南也。勤於其官。按行郡邑。觸冒毒瘴。遂患癘。比爲叅政會。天子有事安南。治益勤。既疾革。猶日命吏抱文書置榻前。卧閱之。故以羸卒。

禮部尚書兼翰林院學士汪振宗鐘

汪鐘字振宗。鄞人。年十四。以戴記游於泮官。鄞諸生故

善易詩爲戴記者郵之有戴記自鐘始故郵有汪氏禮
嘉靖甲午領賢書丁未成進士改翰林院庶吉士授編
修命教內書堂內書堂者諸少閣所業也鐘每爲談小
雅巷伯以下保其專良之志多信悅者考滿陞侍讀管
理文官誥勅陞左春坊左諭德出視南翰林篆尋署南
國子監事留都士驕佚鐘飭規勵行六館之士增典甲
子召還復管文官誥勅陞國子監祭酒頒五倫條約禁
止起墓及清廩餼之乾沒者以給諸生廸行敦誨文教
一新擢南京工部侍郎 莊皇帝御極大典錄成陞俸

一級歷晉南京禮部右侍郎尋召比爲禮部右侍郎嘗
國子監事克經筵講官癸酉純皇帝初御經筵陞左
侍郎兼翰林院侍讀學士回部管事隨克實錄副總裁
兩朝實錄成陞禮部左侍郎尋晉尚書兼翰林院學士
如故五疏乞休給馳驛歸鍾天性疑雅斤斤短淺寡言
笑無町畦可尋起詞科三十餘年在嘉靖時方沉濁不
可以莊語而鍾優游奉璋索筆之事不爲感激悲歌之
態亦終無躡染隆萬來雅意獻納一稟於仁義上嘗
虛已聽納乞休之疏歲有蓋自謂器非適時思抗域外

之想耳。上篤念老成，增慎縟繆甚厚。雅志慕遠，夙夜
止足，可不謂善始善終哉。卒年七十有七。守臣以聞，禮
部上議，賜祭二壇，遣行人管葬事，贈太子少保，諡曰
福。建左叅政馮明卿，字汝謨。

馮，字明卿，海鹽人。嘉靖庚戌進士，授刑部雲南司
主事。歷員外郎，恤刑江南。參所平反，秩滿陞江西按察
司僉事。攝九江時，東夷寇吳越，川廣兵調過九江，橫甚。
臬廉得首將名，令勒卒歸伍，士民遂安堵。旣而攝湖廣，
分宜令中兒多怙勢不法，臬悉縛置之獄。當是時，廣東

倭夷盡寇與喇賊以發而天盜張璉復崛起張甚視諸藩最多事會臯以又次當從分宜遂以舊銜陞陞廣東布政司奉議專董湖潮兵事當事者悉知臯才卽詢制禦之策臯曰璉等若與倭寇合則兵不易戰今莫若先救海寇使得自效與同力達倭倭遁然後會兵大征一舉而璉等可擒也當事以爲然亟表臯行副使事盡以兵事屬臯於是海寇許朝光林道乾王伯宜等悉爲臯致命而倭連挫伯宜者機智无雄時官兵與倭相持三河日久臯密出手書招伯宜立功伯宜素服臯威信聞

命卽至。臯喜降階慰勞，立賜卮酒，授以旗牌，所募精兵
千人，說爲倭張。夜駕輕輦，疾至三河，先飭鐵蒺藜，令死
士數人，從山後登，踞高岡，發哨吹簫，俟衆倉惶驚竄，盡
驅蒺藜，扶傷而戰。自辰至午，死者大半，遂解三河之圍。
甲子四月，集水陸師，屯於廣州，分爲五哨，食糗，平詔
安二哨，爲七，臯以烏獲哨居中，兼調之。赴期，向饒平，陳
廉程，將出，將事，自夜，檢具，軍中，洶洶，言食盡，將甘，酒
膏，餉者，軍，調之，再，騎，逐，逐，五，一，村，大呼，曰，我，馮，副，使，也，
天兵，臨，賊，且，暮，且，破，而，不，食，若，輩，能，相，佐，乎，村，民，聽，臯

德爭相私帑得米數百石羊豕數百頭師乃大安五月
丁亥固饒平軍於大埔諸將請攻璉臯曰不可攻璉則
堅者假先襲蕭雪峯擒之璉窘乞撫臯偽許之而陰勒
大兵迭進遂擒璉斬首千餘級招安者從數萬人捷聞
實授副使賜以金幣遷福建左叅政時論平廣功擬臯
開府而分宜銜臯不置竟不果未幾謝政歸歸三十餘
年杜門著書累薦不起卒年七十五所著有居閒集白
雀園漫稿行於世

右春坊右諭德屠文升應城

子仲律叔芳孫謙歲大
壯附

屠應峻字文升康僖公第六子也少疎朗曠達不繩細
行一出語輒驚其先輩初以父廕入太學既而見其兄
應垣應坤皆列方面金紫耻獨以閱思責乃力學自苦
嘉靖乙酉舉應天鄉試第二人明年第進士選翰林庶
吉士峻自負雋偉倬意不可一世人而屬中秘清燕羅百
氏言盡讀之其學日益闕大窮變爲文比事屬辭陳誼
類情縱橫子史經傳而宗本子長詩法沈澗百家意有
獨至而陰搃其勝於衆人沿襲之外故自名公大家無
不傾已下之同時有吳中袁永之四明陳約之錫山華

子潛晉江王道思皆一時勝流。堦與之友，日相引上。正其議論，又館中諸吉士盡負才名，與堦雁行列，而堦實銜官命之方。其若常賦詠人，擅其長，皆矜用以爲美。及堦脫稿出，羣萃而讀之，則人人自失矣。當是時，張文忠初得君，好變易典制。諸吉士皆少年負氣，不能屈往。在抗視，閉臣文忠怒，盡黜諸吉士。堦授刑部主事，調禮部主事，歷儀制郎中，諸郊廟典禮多所裁定。改翰林修撰同校，列聖訓錄，歲賜宴，謹身殿仍賜金幣，進侍讀。尋轉右春坊右諭德，列表乞休，疏四三上，始得請歸。卽

疾作數年不能起先是交趾弗靖不臣貢者且二十年
所詔廷臣議才望者使往諭廷臣議以竣應詔竣奮然
曰人臣無橫草之功侍講得奉使命當宜天子威
聲萬里外吾之願也而議乃寢不行然而竣志亦壯矣
竣生平好爲奇節豪氣夙發飲酒百鐘不醉又好內後
庭多種齒嫵媚之人稅文之眼則御之後居官十五六
年大致如此或云欲令捐真竣疾則宜也藉令不病則
不自廢退卽病能勉坊局則六七年間亦可遂躋台階
卒以病廢病亦遂卒長筭屈於短日可勝惜哉所著有

蘭暉堂集行於世子仲律廬州知府叔芳山東副使孫
謙山東副使蒙甲子省試貢士大壯戊子順天鄉試貢
士。

廣東右叅政管道夫見

管見字道夫餘姚人嘉靖丙戌進士授常州府推官風
檢嚴峻見理速而持事堅權勢不可動程蒞任未幾彙
強斂迹諸當道有疑事累年不決者必以屬見見一鞠
無遺情以治最召拜吏科給事中尋轉兵科左監
陵大工時戶工二部建議加賦以佐工費見執理極陳

利害以爲不可。上是之。仍黜建議者。海內陰被其澤。未幾。轉戶科都給事中。以疾乞歸。尋起補禮科。辛丑。正月。日食。上召輔臣暨大宗伯。偕禮科諸給事。集便殿。議朝賀。應否。衆猶豫。不敢決。見議朝賀宜。擇日行。明皇上敬天之意。上嘉允之。明年。擢廣東右叅政。廣地。故多貨寶。見冰。藥自持。嚼然無毫髮之染。無何。引疾歸。足跡不入城府。日以睦族善隣。明農教子爲事。臺使者屢疏薦起之。卧不應。葺草堂於峽山之間。以耕釣自老。卒之年七十有二。

廣東按察副使王育德叔果

祖銜父澈附

王叔果字育德其先世琅玕及宋有惠者徙永嘉遂爲永嘉人凡七傳而爲封公鉦果之王父也鉦二子長澈官福建左參議而仲子激至國子祭酒澈娶潯恭人年四十餘未舉子得異夢始舉果果生而英異七歲

語十三補博士弟子未幾薦鄉書高等嘉靖庚戌成進士授兵部職方司主事以使事歸省而倭寇海上族從所謂給事德者從義兵與角不勝死之族烏獸竄果與弟杲謀曰不早爲備胥將無族矣亟還朝上書願以家

橐爲賊堡以捍賊而完其族報可時果猶在公車不復
詣請與果捐橐而躬畚耜之役堡成賊有環睨而已至
今賴之歷員外郎郎中出閱視鎮兵請罷昌平帥歲
省以萬計改武選郎中武選最爲猥雜號吏數果至當
注選與諸僚精覈而次第之吏不得有所負宿弊若洗
滿六載以不謁分宜僅遷湖廣布政司右參議治荆西
荆西爲承天德安二郡承天世廟故邸也有先皇
之塋在而德安爲景恭王初封國而地中貴戚畹爭挾
重魚肉赤子爲業果一切引之以禮不聽則裁之以法

竟果任相戒無敢犯者會分宜敗吏部以果舊資重
一歲餘擢廣東按察司副使時廣數中倭大司馬以果
屏恐不能勝軍旅而重其文疏請以內地學政處之吏
部知其指數果歸里聽用果喜曰司馬知我唯太宰亦
知我遂杜門不復出家世素封而雅不問產聽子弟
之了不知也日食不能時二簋資以蔬筍間一阻膾
乾脯衣僅布素或三泔破則縫之姬妾粉黛一不以入
目過亦如無日生不曉名儉字論奢性一切無所嗜顧
獨嗜書無一日不聞香於手處百家下及稗官黃衣之

說糜所不決而其所專精者賾六經性理之學所著在
永嘉縣志十卷半山藏稿二十卷

湖廣布政司右參議蔣汝才勸能

蔣勸能字汝才餘姚人臨江太守坎之子年少善屬文
補己弟子員以貴入太學登嘉靖乙丑進士第授行人
擢禮部祠祭司主事是時署中多知名士共訂讀書約
欲兼通今古先讀經濟錄吾學編次乃讀左氏傳龍門
班范諸史各以意加評點十日爲期公退時集署中
據所讀帙來直會者一人朗誦遇有疑則共相辯論

能沉細不爲枝蔓談衆方競辯時勸能默聽之間出一
語輒中的尋擢精膳郎出爲湖廣布政司右參議分轄
衡永其治以慈惠爲本不屑屑求名而仁澤及民者甚
多零陵有要人氣焰甚張宦楚者多屈意奉之屢以事
干不爲意遂誣構之中白簡鐫一級歸又明年楚直指
復加重劾直指臨江人也屬父坎舊治或有宿嫌未可
知而勸能遂不復言仕矣永州龍興寺有息壤柳子厚
嘗記之謂隆然負磚甍而起者步四步高尺五寸始爲
堂也夷之而又亭凡持錘者盡死由是人莫敢夷于厚

曰南方多疫勞者先死彼時鍾者其死於勞且從耳土
烏能神論者以爲然勸能在永時彼要人欲攘此寺爲
宅郡邑皆唯唯勸能獨持之不與及歸而地竟屬彼土
功與執鍾者八人一日死未幾彼要人亦卒宦永者遺
勸能書曰使公早與之則向時彼已死無能害公矣聞
之者無不驚恠以爲奇按息壤有二一甘茂盟處一卽
此所云鯨竊以堙洪水者未知孰是觸者死前後皆符
然則理誠不可曉子厚以勞疾當之者亦臆說也勸能
家居好讀書所著有姚邑賦詩文集若干卒年六十八